



Plan for the future: Decisions about your life

Magplano para sa hinaharap



Mga desisyon tungkol sa iyong buhay

Ikaw ay may karapatang gumawa ng sarili mong mga desisyon tungkol sa iyong buhay.

Ngunit maaaring sa hinaharap ay magkasakit o masugatan ka, at kailangan mo ng ibang tao upang gumawa ng mga desisyon o tulungan kang gawin ang mga bagay bagay. Halimbawa, habang tumatanda ka, baka kailangan mo ng tulong sa pagpunta sa bangko o sa pagkuha ng mga serbisyo sa pangangalaga ng matatanda.

Maaari mong piliin ang ibang tao na gumawa ng desisyon para sa iyo kung hindi mo kaya sa pamamagitan ng paggawa ng isang 'enduring power of attorney'.



Upang gawin ito:

- punan ang isang natatanging form
- sundin ang mga tagubilin sa form kung paano mo ito lalagdaan.

Kung susundin mo nang tama ang mga hakbang na ito, makakagawa ka ng isang legal na dokumento.

Dapat kang pumili ng taong pinagkakatiwalaan mo at nakakakilala sa iyo nang husto. Halimbawa, isang kamag-anak o kaibigan. Ang taong pinili mo ay kailangang sumasang-ayon dito.



Maging maingat. Huwag punan ang form na ito kung wala ang taong mapagkakatiwalaang gumawa ng mga desisyon para sa iyo.

Anong mga desisyon ang maaaring gawin ng taong ito para sa iyo?

Piliin mo kung anong mga desisyon ang maaaring gawin ng taong ito para sa iyo.

Ito ay maaaring mga desisyon tungkol sa iyong:

- **pananalapi (pera)**

Halimbawa:

- » paggamit ng iyong pera upang bayaran ang iyong mga bayarin
- » paggamit ng iyong pera upang bumili ng mga bagay para sa iyo
- » pagbebenta ng iyong bahay kung kailangan mong gawin ito.

- **Uri ng pamumuhay (ang paraan ng iyong pamumuhay)**

Halimbawa:

- » mga serbisyo na maaaring kailangan mo
- » saan ka titira sakaling kailangan mong lumipat ng tirahan.

Maaari kang pumili ng higit sa isang tao

Halimbawa, maaari mong piliin:

- ang isang tao para sa mga desisyon sa pananalapi at iba namang tao para sa mga desisyon sa uri ng pamumuhay
- iisang tao para sa dalawang desisyon.

Ang tao o mga tao na pinili mo ay may mahalagang tungkulin.

Halimbawa, sila ay dapat:

- kumilos nang tapat at gumawa ng mga desisyon na gusto mo
- gamitin ang iyong pera para sa mga bagay na kailangan mo.



Hindi nila maaaring gamitin ang iyong pera sa pagbili ng mga bagay para sa kanilang sarili.

Ikaw ang magpapasya kung kailan sila magsisimula

Maaaring gusto mo nang magsimula ang taong ito:

- sa hinaharap, kung ikaw ay magkasakit at hindi makagawa ng iyong sariling mga desisyon
- kaagad, dahil kailangan mo na nang tulong ngayon.

Kung nagsimula ang tao na tumulong sa iyo kaagad

Kung nagsimula ang tao na tumulong sa iyo kaagad, at nagagawa mo pa ring gumawa ng sariling mga desisyon, sabihan mo ang tao kung ano ang gagawin niya.

Ang tao ay hindi dapat:

- magsimulang mangasiwa ng iyong buhay
- pilitin kang gawin ang anumang bagay na hindi mo nais gawin.

Ikaw pa rin ang nangangasiwa dahil kaya mo pa ring gawin ang iyong sariling mga desisyon.

Kung hindi ka masaya sa ginagawa niya, maaari kang magbago ng isip at pumili ng ibang tao. Kailangan mong punan ang bagong form.

Ano ang mangyayari kung hindi mo kinumpleto ang form at walang piniling kahit sino?

Kung ikaw ay malubhang nagkasakit o nasugatan at hindi ka makagawa ng mga desisyon, may isang tribyunal na maaaring pumili ng isang tao upang gumawa ng mga desisyon para sa iyo. Ito ay tinatawag na 'Victorian Civil and Administrative Tribunal (VCAT)'.

Maaaring piliin ng VCAT ang isang miyembro ng pamilya, kaibigan, o ang Public Advocate (Pampublikong Tagapagtaguyod) ng Victoria, upang gumawa ng mga desisyong ito para sa iyo.

Saan makikita ang form

Hanapin ang pormularyong kailangan mo sa librito ng Tanggapan ng Public Advocate (Pampublikong Tagapagtaguyod) (OPA) na tinatawag na 'Take Control' sa website ng OPA. **www.publicadvocate.vic.gov.au**

Ang form ay libre.

Ang pormularyo na ito ay tinatawag na:

- 'Enduring power of attorney appointment'.



Ang ilang mga tao ay:

- gumagamit ng abogado upang tulungan silang punan ang form, na mahal ang bayad
- humiling sa isang kaibigan o miyembro ng pamilya na tulungan sila.

Ang batas ay nagsasabi na maaari mo lang sagutan ang form na ito kung nauunawaan mo ang ginagawa mo.



Hindi ka dapat pilitin ninuman na gawin ito.

Ito ay sarili mong desisyon.



Kung mayroon kang anumang mga tanong

Ikaw, o ang iyong kamag-anak o kaibigan, ay maaaring tumawag sa OPA para sa payo sa 1300 309 337.



Maaari kang humiling ng serbisyo ng isang interpreter sa telepono.